
ФАРҒОНАДА ЯНА 45 НАФАР КАРАНТИНДА САҚЛАНАЁТГАН ЮРТДОШЛАРИМИЗ ЎЗ УЙЛАРИГА ҚАЙТДИ

Бугун, 23 апрель куни Фарғона вилояти Қувасой шаҳридаги “Кимёгар” болалар оромгоҳида карантин муддатини ўтаган 45 нафар юртдошларимизда коронавирус касаллиги аниқланмаганлиги учун улар ўз яшаш манзилларига кузатиб қўйилди.

14 кун давомида тиббий кузатувда бўлганларнинг 40 нафари Фарғона вилоятида, 3 нафари Андижон ва 2 нафари Наманган вилоятларида яшовчи фуқаролар бўлган. Улар Қирғизистон Республикасидан “Ўзбекистон” чегара пости орқали Фарғона вилоятига ўтган ва карантинга олинган.

Белгиланган муддатдан сўнг уларнинг барчаси тиббий кўрикдан ўтказилди. Текширув ва таҳлиллар натижаларига кўра, касаллик аломатлари аниқланмади ва уларга ўз оилалари бағрига қайтишлари учун рухсат берилди.

Мазкур фуқароларнинг яшаш манзилларига етиб олишлари учун махсус транспорт воситалари ажратилди.

Фарғона вилояти ҳокимлиги Ахборот хизмати Facebook, Telegram, Веб сайт, YouTube

2020-04-23 18:00:36